

CYPE(5)-01-21 - Papur i'w nodi 7

**Kirsty Williams AS/MS**  
**Y Gweinidog Addysg**  
**Minister for Education**



**Llywodraeth Cymru**  
**Welsh Government**

Lynne Neagle AS  
Cadeirydd  
Y Pwyllgor Plant, Pobl Ifanc ac Addysg

16 Rhagfyr 2020

Annwyl Lynne

Yn fy llythyr atoch ar 19 Tachwedd, ymrwymais i roi'r wybodaeth ddiweddaraf i'r Pwyllgor am broses o benodi Cadeirydd Cyngor Cyllido Addysg Uwch Cymru (CCAUC).

Gan na fyddaf yn sefyll yn etholiadau'r Senedd y flwyddyn nesaf, ac o ystyried arwyddocâd y penodiad hwn, roeddwn yn teimlo ei bod yn briodol i'm holynydd arwain y broses i benodi Cadeirydd newydd parhaol Cyngor CCAUC.

Felly, rwyf wedi penderfynu penodi Rob Humphreys yn Gadeirydd dros dro, sy'n aelod o'r Cyngor ar hyn o bryd. Bydd Mr Humphreys yn gwasanaethu o 5 Ionawr 2021 tan 4 Ionawr 2022 neu hyd nes y penodir Cadeirydd parhaol, pa un bynnag sydd gyntaf.

Mae Mr Humphreys wedi bod yn Aelod o Gyngor CCAUC ers 15 Mehefin 2018. Cyn hynny bu'n Gyfarwyddwr y Brifysgol Agored yng Nghymru ac mae wedi gwasanaethu ar nifer o adolygiadau a chomisiynau addysg mawr, gan gynnwys adolygiadau Diamond a Rees a'r Comisiwn Annibynnol ar Goleg y Dyfodol. Mae ei wybodaeth, ei brofiad a'i ymrwymiad i addysg uwch, dysgu gydol oes a rôl ddinesig a diwylliannol y sector yng Nghymru heb ei ail. Mae ei brofiad fel aelod o'r Cyngor a chadeirydd Pwyllgor Cyfleoedd a Chyflawniad Myfyrwyr CCAUC yn ei wneud yn ymgeisydd ardderchog i wasanaethu fel Cadeirydd dros dro.

Rwy'n rhagweld y bydd y broses benodi'n cael ei chynnal eto, dan Weinidog newydd, yn dilyn etholiadau'r Senedd y flwyddyn nesaf.

Yn gywir

**Kirsty Williams AS/MS**  
**Y Gweinidog Addysg**  
**Minister for Education**

Canolfan Cyswllt Cyntaf / First Point of Contact Centre:  
0300 0604400

Bae Caerdydd • Cardiff Bay  
Caerdydd • Cardiff  
CF99 1SN

[Gohebiaeth.Kirsty.Williams@llyw.cymru](mailto:Gohebiaeth.Kirsty.Williams@llyw.cymru)  
[Correspondence.Kirsty.Williams@gov.wales](mailto:Correspondence.Kirsty.Williams@gov.wales)

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.